

曠視山房小題

卷下

季隨

丁守存

名有取於卦者季之倡也夫季有二而隨列其先隨爲卦象季之命名以此且玉門演易而小畜之兆曰西郊明夷之爻曰南狩至用享西山獨有取於隨之上人豈不以動而說者卽爲周之德與周之所以王哉乃一觀壽考作人休祥疊見顧名思義其與震下兌上之卦若有適和符合者如八士之季隨是已或謂父之齒隨行是以隨爲敬父之文固也然愛憐少子亦惟是式穀之恒情或謂五年以長則肩隨之是以隨爲恭兄之誼似也然篤念同胞亦只此吹簫之定分然則季以隨名果何謂哉嘗觀隨之爲卦其下

先將壽考之意撮去

爲震震以一陽在二陰之上其動而剛者德實秉夫乾之健而非
徒健而已也先天之震居東北其序四而於洛書則八爲足隨以
李稱適於八士之伯仲叔此係義以次列其四馬列其四而隨倡於首乃
愈衍夫一門之秀隨之爲體其上爲兌兌以一陰在二陽之上其
靜而柔者德有秉於坤之順而又非徒順而已也後天之兌居正
西其序八而於洛書則七居右季以隨始適於八士之突忽夜夏
以次居其七焉居其七而隨踵於後遂先附乎六子之班然胡爲
不取震而取隨也震爲主器之長男若達若适旣已列冢君之選
卽仲叔諸人且以賢哲挺生追隨於雁序則以剛下柔雍睦彌著

太和之象而何論六二之小子六三之丈夫又胡爲不收兌而取
隨也兌爲正秋之少女曰達曰适已累肇夫男子之祥况突忽以
下皆以中男之位隨附於金昆則以柔乘剛蔚起益徵居幼之良
而何問出門之有功在道之无咎是故伯與伯隨象夫元仲與仲
隨象夫亨叔與叔隨象夫利至季則以貞起元愈以昌厥門閭者
見隨時之義而非等隨俗之浮沈達适相隨爲一索突忽相隨爲
再索夜夏相隨爲三索至於季則要終原始更以光夫家國者安
隨序之常而不爲隨聲之附和由是推之達與适有似乎雷地之
豫而屯者可復突與忽有似乎雷天之壯而困者可升夜近乎習

枕花亂落如無雨

上通四關

坎○夏○近○乎○重○離○而○既○濟○之○象○成○焉○况○引○重○致○遠○古○聖○人○蓋○取○諸○隨○
而○隨○其○後○者○又○昂○昂○爲○千○里○之○駒○也○

奇外無奇更出奇一波纔動萬波隨如此用書何題可以窘我
兄默之

則生

丁守存

舉牛以爲例無罪者固在牛矣夫牛獨何幸而爲牛耶以無罪例
牛卽當以牛例無罪王又何愛於牛今使王坐堂上所謂吾胞吾
與者非牛不可王固有以對牛且有以對犬類於牛者惜其不盡
爲牛是舉牛爲例非舉所以爲牛之故爲例也而王乃曰隱其無
罪而就死地是王之王之持論甚平也持論平則但論其有罪無罪不
必論其是牛非牛是主之用愛甚周也用愛周則但愛其殘死不
死不必愛其大如牛大不如牛則且爲王回而憶之則且爲王猛
而醒之當日之牽堂下者牛之外固無他也設王顧左有曰吾何

惜其無罪但惜其爲牛耳則牽牛者亦復何辭卽處牛者亦非其

文○小○而○切○六

厚是第從牛起見也天下事不究其起見之地將受恩者不必知

思免禍者方且懼禍王於牛獨不然也是牛之無罪不待言矣當

目之免釁鐘者牛之生何其幸也設王詔國人曰吾何計其就死

但計其爲牛耳則齊之百姓任恣其議卽赦牛者不諱其偏是並

○辭○止○不○窮○

不從牛起見也天下事有不由此起見之情將見殺者非因我而

殺見宥者亦非因我而宥王於牛反不謂然也是牛之畏死固無

疑矣臣不以牛論牛但以無罪論牛牛方牽而過蠢然者何知無

○入○微○

罪而鳴其不平耶是齧觶者牛並無此狀王意山有此狀耳王旣

則○字○直○主○一○覽○欲○

虛構此殷鯀無罪之狀則凡可以虛而構者堂下人皆可爲王例
之而發端於牛王不以牛愛牛但以就死愛牛半雖將繫鐘麗然
者何知就死而哀以求免耶是殷鯀者牛尚無此情王預料有此
情耳王既可逆揣此就死殷鯀之情則凡可以逆而揣者國中
皆可以爲王例之而反詰以牛假令有一有罪之物不必問其牛與
非牛既可於堂上正其刑又不於繫鐘廢其禮則臣所釋然者何
獨一牛卽令有一樂死之物不必問其大於牛小於牛甘受其戮
者何妨於牽不憚其犧者何煩於易則王之快然者奚必不獨在
生隱其無罪而就死地民不信也方且舉牛以爲例矣

刻畫半面審肖虛神縱恣處愈見繩墨小題聖手

趙伯厚同年

見牛

丁守存

見所見而心見○非於物有偏見也○夫牛一物耳而適爲王所見○王
之心由是而見矣○何厚於牛○嘗思天下之物多矣○天下之物可爲
我見者亦多矣○有以目見有以心見○有見如不見○有見不徒見而
心之忍不忍○術之仁不仁○亦卽卜之於所見而可以共見○何以言
仁術之無傷也○王初不料牛之過堂下耳○無端而過焉○無端而問
馬○卽無端而舍焉○使王並此牛而不見○因不知殼觶無罪○有如此
牛也○牽牛者亦不料王之見之耳○一念動而問之一念轉而幾廢
之一念復轉而思易之○使王所見者不獨一牛○又安知殼觶無罪○

明倫彙編

僅在於牛也而王則固見牛矣牛固爲王所見矣夫牛甫遇堂下

而日將繫鐘是尙未繫鐘也牛亦蠢然之一物何知其無罪何知

其就死穀觶之狀牛誠未嘗有是耳而王早知其穀觶也是於一

見觸之也抑牛已瀕死地而日牛何之是王不知將繫鐘也牛亦

至微之一物竟得赦其無罪竟得全於堂下穀觶之情牛亦幸而

獲免耳而王但知牛之善穀觶也是於一見信之也天下有習見

之事恬然而不怪者日見夫屠割烹宰而慈祥轉覺其近日見夫

戎馬兵戈而性情已流於忍何有於一牛天下有偶見之物怵然

而有感者見螻蟻之貪生而不憚引手之救見鯽魚之已涸而不

偕○水○之○波○何○況○於○一○牛○豈○無○非○牛○而○類○於○牛○不○僅○非○牛○而○更○重○

於○牛○更○重○於○牛○而○殺○亦○無○罪○亦○類○於○牛○王○安○得○以○見○牛○者○見○之○也○

臣○惜○王○之○偉○見○牛○也○堂○上○非○治○牛○之○地○王○堂○上○非○治○牛○之○人○王○

坐○堂○上○而○過○於○堂○下○亦○非○僅○殺○牛○之○事○豈○不○欲○王○之○盡○見○之○耶○而○

禽○幸○王○之○既○見○牛○也○見○牛○而○以○心○見○不○徒○以○目○見○故○目○有○全○牛○心○

無○全○牛○見○牛○而○見○不○徒○見○非○見○如○不○見○故○堂○下○無○牛○心○中○有○牛○齊○

之○先○水○以○鼓○刀○遇○主○而○東○海○雄○風○遂○批○卻○而○導○窾○是○王○之○保○民○即○

以○牛○北○之○也○而○易○牛○之○時○固○不○知○牛○之○外○更○有○何○物○也○齊○之○臣○有○

以○扣○角○登○朝○而○南○山○白○石○爰○執○耳○以○升○壇○是○王○之○過○於○桓○父○或○於○

牛基之也而不忍之心更不知牛之外皆可作牛觀也○危哉牛也○
刀鐸在前鼎鑊在後○王獨勝介葛之知音幸哉牛也○三十維物九
十其惇○王不樂庖丁之善解○臣欲王所見無非牛也○

眼光出牛背上不徒作徐如半面狀

星橋弟劉清源拜注

於全字半字鉤心闕角此法惟吾鄉寅府方伯最喜談之闕此
及則牛文不勝腹痛也

趙伯厚同年

而不足以舉一羽明足以察秋毫之末

丁守仔

同一至微之物而舉與察大相反矣夫一羽非百鈞比秋毫與一羽類也不足於力之人卽甚足於明之人異哉設爲復王之說曰王曰坐堂上而遠庖厨鳥獸之肉登於俎者王知之矣鳥獸之爲羽爲吾王或未必盡知之也然吾有至奇之瞽力焉奇在有時而極怯也吾又有至奇之目力焉奇在有時而極精也王請無以至微之物試吾瞽力王請且以至微之物試吾目力百鈞吾可舉意者百鈞以下皆毫末耳仲秋之月正鈞石王將察材技吏民拔爲將士吾且奉百鈞之鐘以獻王曰壯哉此羽林之選也然而吾有

○經○固○唐

所短焉不敢爲王諱○今夫白羽之繒望之如茶○赤羽之繒望之如
火○鳥羽之繒望之如墨○此亦角力之場也○顧思鼓樂之時○值其驚
羽○以觀婆娑之舞耳○王可以正明日而視之○田獵之時○建此羽旄
將以顯禮褻之能耳○王可以察趨提而賞之○而未有以一羽試人
力者也○而豈知臣之不足正出乎王之明所不及察哉○嘗考鳥謂
之羽○蟲三百六十獸謂之吾毛○蟲三百六十而羽亦稱毛○毛之
細者爲毫○羽健於秋○毫亦銳於秋也○王嘗於牽牛之時間之矣○設
斯時○臣方以百鈞爲掌上舞○王使侍臣胡齧拔牛之一毛○以較臣
力○臣且瞿然變色○如恐不勝○蓋毛之於羽亦類也○雖然○臣之力固

不足舉臣之明豈不能察乎王必曰嘻寡人固亦察之矣然王能

不問

察其未焉否耶蓋物而至於毫細矣毫而至於秋細矣秋毫而至

於未細之細細之甚矣一羽之爲重也人人察之也足以續吾力

固不足細吾明更不足以試吾明也王試於秋高氣爽羽獵於之

毛穎傳

察成山拔其毫而歸置之堂下問有能其未立見者賞金百鈞吾

莊子

知使離朱察之不得喫詬察之不得象罔察之不得而向之一羽

不舉者又一毫不挫且刮目以相待也然使化毫而爲羽化毫之

史記

未而爲一羽則頃所謂挾輶以走者又將局促轅下惴伏而莫敢

仰視矣

文之恢詭奇崛只是筆下古峭耳而於文法固一絲不產也
自記